



UNIVERSITÄTS-  
BIBLIOTHEK  
PADERBORN

**Io. Baptistæ Portæ Neapolitani Magiæ Naturalis Libri  
Viginti**

**Della Porta, Giambattista**

**Frankfurt, 1607**

Roseum faciei colorem quomodo conciliemus. Cap. XVII.

---

[urn:nbn:de:hbz:466:1-70772](https://nbn-resolving.org/urn:nbn:de:hbz:466:1-70772)



addito duas mellis, & vnam terebinthinæ resinæ, pone in vase, & claudito, ne respirent, & sub fimo octo diebus macerari finito, mox quatuor libras asinini lactis addes, & suo vase igni elicias oleum, vesperti, mane aqua vitior. Si vis

*alio modo,*

fiet. Sambuci flores, rosarum syluestrium, geniste, periclymeni, polygonati, & bryoniæ radices, vna acerba, & sarcocolla, singula seorsum distilla, singulorum aquas partes remisce, vel iterum distilla, & Soli expones, hæc optima erit. Aliam apponemus

*ad idem.*

Gallinam sine aqua deplumabis, exenterabis, & in frustra secabis, per noctem in albo vino macerari permittes, mane ablue in eo, comprime manibus, ne quid vini reliquum sit, & duobus mox additis cyathis vini albi, chymistico vase, distillabis, post flores cissampelos, curi mali aurei simul distillabis, & aquam seorsum serua. Latrones postea aperies, & ex eis aquam excipies, itidem de floribus fabæ, mox sex cyathos lactis asinini, & vaccini totidem distillabis, idem facies de aqua cucurbitarum, & de lacte recocto, de floribus sambuci, & de terebinthina resina. Tandem vitreum vas habe, in eo inde caphuræ binas drachmas, quartam libræ partem cerusæ in puluerem redactæ, cum aquis iam memoratis commisce, & vase obturato sub dio Soli, & Lunæ quindecim diebus obtento, si ea vti volueris, linteo ex eis madefacto, line faciem.

*Rosæum faciei colorem quomodo conciliemus.*

C A P. XVII.

**A**LEAM faciem reddidimus, nunc rubicundum colorem conciliabimus, vt omni ex parte reddatur vxor formosa viro suo. Et primo

*ad purpurandam faciem pallidulam,*

& decolorem venustandam, hoc vtemur remedio. Accipito acetum bis distillatum, & in eo santali rubri rasuram coajcito, quantum voles, igne lento coques, adiecto aluminis momento, & habebis colorem rubeum



tingendi faciem perfectissimum: quam si etiam odoratam velis, adijce tantillum moschi, zibethi, garyophyllorum, aut quorumuis aromatum. En

*aliud.*

Sumantur garyophylli flores, terantur extrema frondium, & succus extrahatur, si adeo maturi sunt, vt nigrescant, adde limonum succū, vt dilutiori rubore niteant, quo faciem penicillabis, genisque roseum colorem sine foetore conciliabis. Vel succo limonum frondes garyophyllorum florum madefacito, & Soli exponito, veteres remouendo, & nouos addendo, quousq; ad libitum colorator efficiatur: succum resiccati curato, & color fragrantissimus residet. Sed nos ex garyophyllis floribus, rosis, & amarantis ardenti aqua quintum, quod dicunt, esse detraimus, post additis alumine, & citij succo, optimum colorem parauimus ad faciem marginizondam. Accipe

*aliud.*

Si optimo vino decimam mellis partem addes, & thuris vnciam, mox extillabis, & in aqua rasuram sandali rubri macerabis vsque donec coleretur ad votum, si ea faciem ablueris, euadet alba, & colorata. Fit &

*Fucus, qui de regi non potest,*

Omnesque artificiosa simulatione deludet: nam clara aqua puniceas reddet genas, diu, multumq; perdurante colore, eoque rutilantior fuerit locus, quo magis aqua laueris, & panno perfricueris. Ex cardamomi granis, quæ pharmacopolæ paradisi grana dicunt, cubebis, garyophyllis indicis, brasili rasura, & ardenti aqua sæpius extillata, vbi aliquantulum fuerint immorata, vel igni lento, vel putrifimo aquam elices, qua sæpe facies madet. Sunt & experimenta

*ad colorandum corpus.*

Si vriticam ebullies aqua, eaq; corpus laueris, roseo colore insignitum reddet, si id continuabis. Si fraga distillabis, & aqua te laueris, rubeum faciei colorem conciliabis. Sed antiqui varijs coloribus corpora tingebant, partim ad ornatum, partim ad terrorem, vt de Britannis prælia-



DE MVLIERVVM COSMETICA. 373

præliaturis scribit Cæsar, qui se glasto herba inficiebāt,  
à Theophrasto isatis dicta, à nobis *guado*. Et apud Græ-  
cos mulieres se glasto tingebant, auctore Xenophonte,  
& temporibus nostris Indi occidentales. Anchuse radi-  
ces messibus sanguineum succum plorant, quod mu-  
lieribus non incognitum, quæ iucundo colore vitia  
palloris occultant, vt nimium faciei candorem hoc su-  
co mentiantur.

*Ad nimium faciei ruborem diluendum.*

CAP. XVIII.

**D**IXIMVS quomodo coloretur facies, nunc verò  
quomodo decoloretur, quum scilicet nimius rube-  
bor corpus occupat, idq; à valde rubicundis mulieribus  
expetitur. Accipe modum, quò

*nimium faciei ruborem diluere*

possimus. Accipe vncias quatuor nucleorum persico-  
rum, & seminum cucurbitæ mundatorum vncias duas,  
tere, ac fortiter exprime, vt oleaginosum liquorem eli-  
cias, quò mane, ac vesperi faciei carbunculos, ac rube-  
res tanges, & paulatim disparebunt, & emendabuntur.  
Accipe

*aliud.*

Violæ purpureæ, cortices ouorum, vitri spuma, caphu-  
ra, cum aqua remiste distillentur, aquam sub dio serua-  
to, & in rubore lauato. Præterea liliorum alborum Ril-  
latitiam aquam ruborem extinguere nouimus.

*A sole exustam faciem quomodo albam reddes.*

CAP. XIX.

**Q**VVM mulieres sub dio spatiantur, & æstare itine-  
ra conficiunt, ex vnus diei contracto Sole induci-  
entur in cute nigredo, quæ ægerrimè discutitur. Nos ad id  
hoc adiuuamus

*Experimentum.*

Albumina ouorum circiter decem diuerberato, quous-  
que in aquam abeat, quibus adde sacchari cadi vnciam  
vase vitreo oblito, & quum cubitū pergis, line faciem,  
mane abluc fontana aqua. Tradit & Plinius